

“Kush â mâ i bardhë se pllumbi?

Nipi te Daja.

Kush â mâ i zi se korbi?

Dhandri te prita e gruas.”

Në kohrat e para dhëndëri nuk shkelte ke vjera, mirpo tani e viziton pas tre a katër muaj.

Tre dit pas dasnës dhëndëri e dërgon nusën e tij ke vjera tok me kulaç, pite, lakror etj. për me “zgjith udhë”. Atje ri një natë dhe pastaj kthehet me një tepsi që është dy fish. Shkojnë qelet edhe nusja na mëson zanatn’ e ri ke shtëpia e burrit.

Me të 15 qeset që mer nusja nga dhëndëri bën robat e saj, kurorën, edhe sëndet e tjera që i duhen për dasmën. Kur vjen ke shtëpia u sjell edhe peshqeshe burrit, vjerit edhe vjerës, vëllezërve, motrave edhe tetove të djalit. Këto munt të jenë çërape, shputa, facoleia, ose gjësant tjetër.

Sa për çërape që u dhuron miqve që sjellin berrat, vjera e lajmon krushkën më parë dhe kështu bëhen gati me kohë.

Dyke vënë re se çupa në Mirditë sjell në shtëpi dhe jo të nxjerë, njeriu munt të thotë se n’ atë v’nt çupat munt të duhen më tepër se djemtë. Me gjith këtë, puna s’ qëndron kështu. Ata kanë ca fjalë që tregojnë të kundërtën e kësaj pandeme. Ja se si thonë: “Kur lindet